

孫真人千金方卷之四

六投

孫真人備急千金要方卷之四

投六

宋朝奉郎中太常少卿充秘閣校理林億等校正

婦人方

虛損第一

論方
盜汗附

論曰凡婦人非止臨產須憂至於產後大須將慎危篤之至其在於斯勿以產時無他乃縱心恣意無所不犯犯時微若秋毫感病廣於嵩岱何則產後之病難治於餘病也婦人產訖五臟虛羸惟得將補不可轉瀉若其有病不須駛藥若行駛藥轉更增虛就中更虛

向生路遠所以婦人產後百日以來極須慙
懃憂畏勿縱心犯觸及即便行房若有所犯
必身反強直猶如角弓反張名曰蓐風則是
其犯候也若似角弓命同轉燭凡百女人宜
好思之苟或在微不慎戲笑作病一朝因計

投六

控告無所縱多出財寶遍處求醫醫者未必
解此縱得醫來大命已去何處追尋學者於
此一方大須精熟不得同於常方耳特忌上
廁便利宜室中盆上佳

凡產後滿百日乃可合會不爾至死虛羸百

病滋長慎之

凡婦人皆患風氣臍下虛冷莫不由此早行
房故也

凡產後七日內惡血未盡不可服湯候臍下
塊散乃進羊肉湯有痛甚切者不在此例後

三兩日消息可服澤蘭丸比至月滿丸盡為
佳不爾虛損不可平復也全極消瘦不可救
者服五石澤蘭丸凡在蓐必須服澤蘭丸補
之服法必七日外不得早服也

凡婦人因暑月產乳取涼太多得風冷腹中

積聚百病竟起迄至於老百方治不能瘥桃
人煎主之出蓐後服之婦人縱令無病每至
秋冬須服一兩劑以至年內常將服之佳
四順理中圓已產訖可服此方

甘草

一兩

人參

白朮

乾薑

各一兩

投六

二

右四味為末蜜和丸如梧子服十九丸稍增
至二十九丸新生藏虛此所以養臟氣也

桃人煎治婦人產後百疾諸氣補益悅澤方

桃人一千二百枚擣令細熟以上好酒

一斗五升研濾三四遍如作麥粥法以
極細為佳內長項瓷瓶中密塞以麩封
之內湯中煮一伏時不停火亦勿令火
猛使瓶口常出在湯上無令沉沒熟訖
出溫酒服一合日再雖丈夫亦可服之

石斛地黃煎治婦人虛羸短氣胸逆滿悶風
氣方

石斛

甘草

紫苑各四兩

桃仁升半

桂心兩二

大黃兩八

麥門冬升二

茯苓升一

生地黄汁

淳酒各八升

一方用人參三兩

右十味為末於銅器中炭火上熨內鹿角

膠一斤耗得一斗次內飴三斤白蜜三升

和調更於銅器中釜上煎微耗以生竹攪

無令著耗令相得藥成先食酒服如彈子

一丸日三不知稍加至二丸

地黃羊脂煎治婦人產後欲令肥白飲食平

調方

生地黃汁斗生薑汁升五

白蜜各五升

羊脂斤二

右四味先煎地黄令得五升次內羊脂令煎減半內薑汁復煎令減合蜜著銅器中煎如飴取雞子大一枚投熱酒中服日三地黄酒治產後百病未產前一月當預釀之產訖蓐中服之方

地黄汁升一 好麴

好米升各二

右三味先以地黄汁漬麴令發準家法醞之至熟封七日取清服之常使酒氣相接勿令斷絕慎蒜生冷酢滑猪雞魚一切婦人皆須忌之但夏三月熱不可合春秋冬

並得合服地黃并滓內米中炊合用之一
石十石一準此一升為率先服羊肉當歸
湯三劑乃服之佳

羊肉湯治產後虛羸喘乏自汗出腹中絞痛
之方

肥羊肉

三斤去脂

當歸

姚氏用葱白

桂心

甘草

各二兩

芎藭

三兩子母秘錄作豉一升

芍藥

子母秘錄作葱白

生薑

各四兩

乾地黄

五兩

右八味呔咀以水一斗半先煮肉取七升

去肉內餘藥煮取三升去滓分三服不瘥

重作千金翼有葱白一斤子母秘錄若胃中微熱加黃芩麥門冬各一兩頭痛

加石膏一兩中風加防風一兩大便不利加大黃一兩小便難加葵子一兩上氣效

逆加五味子一兩

猪腎湯治產後虛羸喘乏乍寒乍熱病如瘥

投六

狀名蓐勞方

猪腎一具去脂四破若無用羊腎代

白粳米各一葱白各一

香豉裹

右四味以水三斗煮取五升去滓任情服

之不瘥更作廣濟方有人參當歸各二兩為六味

羊肉黃耆湯治產後虛乏補益方

羊肉 三斤

黃耆 三兩

大棗 三十枚

茯苓

甘草

當歸

桂心

麥門冬

乾地黄

芍藥 各二兩

右十味以水二斗煮羊肉取一斗去

肉內諸藥煎取三升去滓分三服日三

鹿肉湯治產後虛羸勞損補之方

鹿肉 四斤

乾地黄

甘草

芍藥

黃耆

芍藥

麥門冬

茯苓各三兩

人參

當歸

生薑各二兩

半夏一升

大棗二十枚

右十三味以水二斗五升煮肉取一

斗三升去肉內藥煎取五升去滓分四服

日三夜一

麋骨湯治產後虛乏五勞七傷虛損不足臟腑冷熱不調方

麋骨一具

遠志

黃耆

芍藥

乾薑

防風

茯苓一作茯苓神

厚朴各三兩

當歸

橘皮

甘草

獨活

芎藭各二兩

桂心

生薑各四兩

右十五味以水三斗煮麋骨取二斗

去骨內藥煎取五升去滓分五服

當歸芍藥湯治產後虛損逆害飲食方

當歸一兩半

芍藥

人參

桂心

生薑

乾地黄

甘草各一兩

大棗二十枚

右八味以水七升煮取三升去滓分

三服日三

杏人湯治產後虛氣方

杏仁

橘皮

白前

人參

各三兩

蘇葉

半夏

各一升

桂心

四兩

生薑

十兩

麥門冬

二兩

右九味以水一斗二升煮取三升半

去滓分五服

治婦人產後上氣責豚氣積勞臟氣不足胸

中煩躁關

虛煩第二方

薤白湯治產後胃中煩熱逆氣方

薤白

半夏

甘草

人參

知母

各二兩

石膏

四兩

栝蒌根

三兩

麥門冬

半升

右八味呔咀以水一斗三升煮取四升去

滓分五服日三夜二熱甚即加石膏知母

各一兩

竹根湯治產後虛煩方

甘竹根細切一斗五升以水二斗煮取

七升去滓內小麥二升大棗二十枚復

煮麥熟三四沸內甘草一兩麥門冬一
升湯成去滓服五合不瘥更服取瘥短
氣亦服之

人參當歸湯治產後煩悶不安方

人參

當歸

麥門冬

乾地黄

桂心

各一兩

大棗

二十枚

粳米

升

芍藥

四兩

淡竹葉

三升

右九味以水一斗二升先煮竹葉及
米取八升去滓內藥煮取三升去滓分三
服若煩悶不安者當取豉一升以水三斗

煮取一升盡服之甚良

甘竹茹湯治產後內虛煩熱短氣方

甘竹茹升一

人參

茯苓

甘草各一兩

黃芩三兩

右五味呔咀以水六升煮取二升去滓分

投六

七

三服日三

知母湯治產後乍寒乍熱通身溫壯胃心煩

閱方

知母三兩

芍藥

黃芩

各二兩

桂心

甘草

各一兩

右五味㕮咀以水五升煮取二升半分三服一方不用桂心加生地黄黃芩各二

竹葉湯治產後心中煩悶不解方

生淡竹葉

麥門冬各一升

甘草二兩

生薑

茯苓各三兩

大棗十四枚

小麥三合

右七味㕮咀以水一斗先煮竹葉小麥取八升內諸藥煮取三升去滓分三服若心中虛悸者加人參二兩其人食少無穀氣者加粳米五合氣逆者加半夏二兩

淡竹茹湯治產後虛煩頭痛短氣欲絕心中

悶亂不解方

生淡竹茹升麥門冬各五小麥各五

甘草一兩生薑三兩產實用乾葛

大棗十四枚產實用石膏三兩

右六味以水一斗煮竹茹小麥取八升去滓乃內諸藥煮取二升去滓分二服
羸人分作三服若有人參入一兩若無人參內茯苓一兩半亦佳人參茯苓皆治心煩悶及心虛驚悸安定精神有則為良無

自依方服一劑不瘥更作若氣逆者加半

夏二兩

赤小豆散治產後煩悶不能食虛滿方

赤小豆三七枚燒作末以冷水和頓服
之良

投六

蒲黃散治產後煩悶方

蒲黃以東流水和方寸匕服極良

蜀漆湯治產後虛熱往來心胃煩滿骨節疼
痛及頭痛壯熱晡時輒甚又如微瘧方

蜀漆葉

桂心

甘草

黃芩各一兩

黃耆五兩

知母

芍藥各二兩

生地黄一斤

右八味以水一斗煮取三升分三服

治寒熱不傷人

芍藥湯治產後虛熱頭痛方

白芍藥

乾地黄

牡蠣各五兩

桂心三兩

右四味以水一斗煮取二升半去滓

分三服日三此湯不傷損人無毒亦治腹

中拘急痛若通身發熱加黃芩二兩

中風第三論方

論曰凡產後角弓反張及諸風病不得用毒藥惟宜單行一兩味亦不得大發汗特忌轉瀉吐利必死無疑大豆紫湯產後大善

大豆紫湯治產後百病及中風痲痺或背強

按六

九

口噤或但煩熱苦渴或頭身皆重或身癢劇者嘔逆直視此皆因虛風冷濕及勞傷所為
驗方

大豆升五

清酒斗一

右二味以鐵鑪猛火熬豆令極熱焦煙出

以酒沃之去滓服一升日夜數服服盡更
合小汗則愈一以去風二則消血結如妊
娠傷折胎死在腹中三日服此酒即瘥
獨活紫湯治產後百日中風瘳口噤不開并
治血氣痛勞傷補腎方

獨活斤一

大豆升五

舊酒一斗
三升

右三味先以酒漬獨活再宿若急須微火
煮之令減三升去滓別熬大豆極焦使煙
出以獨活酒沃之去豆服一升日三夜二

小獨活湯治如前狀方

獨活兩八

葛根

生薑兩各六

甘草兩二

右四味咬咀以水九升煮取三升去滓分

四服微汗佳

甘草湯治在蓐中風背強不得轉動名曰風

瘓方

甘草

乾地黄

麥門冬

麻黃兩各二

栝蒌根

芍藥

黃芩兩各三

杏仁枚五十

葛根斤半

右九味咬咀以水一斗五升酒五升合煮

葛根取八升去滓內諸藥煮取三升去滓
分再服一劑不瘥更合良千金翼崔氏
有前胡三兩
獨活湯治產後中風口噤不能言方

獨活

生薑各五兩

防風

秦艽

桂心

白朮

投六

+

甘草

當歸

附子

各二兩

葛根

三兩

防己

一兩

右十一味咀咀以水一斗二升煮取三升

去滓分三服

雞糞酒治產後中風及百病并男子中一切

風神效方

雞糞一升 蒸令黃

烏豆一升 蒸令聲絕勿焦

右二味以清酒三升半先淋雞糞次淋豆
取汁一服一升溫服取汗病重者凡四五
日服之無不愈

竹葉湯治產後中風發熱面正赤喘氣頭痛
之方

淡竹葉握一

葛根三兩

防風二兩

桔梗

甘草

人參

桂心各一兩

大附子一枚

生薑五兩

大棗十五枚

右十味㕮咀以水一斗煮取二升半去滓

分三服日三溫覆使汗出若頸項強者用

大附子若嘔者加半夏四兩

防風湯治產後中風背急短氣方千金翼作

投六

十一

防風

獨活

葛根各五兩

當歸

芍藥

人參

甘草

乾薑各二兩

右八味㕮咀以水九升煮取三升去滓分

三服日三

鹿肉湯治產後風虛頭痛壯熱言語邪僻方

鹿肉斤三

芍藥

獨活

秦艽

黃芩

黃耆

半夏升一

乾地黄

桂心

芎藭各二兩

生薑六兩

甘草

阿膠各一兩

茯苓千金翼作茯神

人參各四兩

右十五味以水二斗煮肉得一斗二升去肉內藥煎取三升去滓內膠令烊分

四服日三夜一

獨活酒治產後中風方

秦艽

獨活斤一 桂心兩三

秦艽兩五

右三味咬咀以酒一斗半漬三日飲五合
稍加至一升不能多飲隨性服

大豆湯治產後卒中風發病倒悶不知人及
妊娠挾風兼治在蓐諸疾方

大豆五升 葛根炒

獨活各八兩

防己六兩

右四味咬咀以酒一斗二升煮豆取八升

去滓內藥煮取四升去滓分六服而日四

夜二

五石湯治產後卒中風發疾口噤倒悶吐沫
瘳瘳眩冒不知人及濕痺緩弱身體痙孪娠
百病方

紫石英 三兩

鍾乳

赤石脂

石膏

白石英

牡蠣 十二

投六

人參

黃芩

白朮

甘草

栝蒌根

芎藭

桂心

防己

當歸

乾薑 各二兩

獨活 三兩

葛根 四兩

右十八味末五石吹咀諸藥以水一斗四

升煮取三升半分五服日三夜二一方有
滑石寒水石各二兩棗二十枚
四石湯治產後卒中風發疾口噤瘖瘖悶滿
不知人并緩急諸風毒痺身體瘓強及挾胎
中風婦人百病方

紫石英

白石英

石膏

赤石脂

各三兩

獨活

生薑

各六兩

葛根

四兩

桂心

芎藭

甘草

芍藥

黃芩

各二兩

右十二味以水一斗二升煮取三升

半去滓分五服

小柴胡湯治婦人在蓐得風蓋四肢苦煩熱皆自發露所為若頭不痛但煩熱與三物黃芩湯頭痛與小柴胡湯方

柴胡半斤

黃芩二兩

人參二兩

甘草各三兩

生薑二兩

大棗十二枚

半夏半升

右七味以水一斗二升煮取六升去

滓每服一升日三服

三物黃芩湯方

黃芩二兩

芍藥二兩

甘草四兩

黃芩

苦參

各二兩

乾地黄

四兩

右以咀以水八升煮取二升去滓適寒温服一升日二多吐下蟲

甘草湯治產後腹中傷絕寒熱恍惚狂言見鬼此病中風內絕藏氣虛所為方

甘草

芍藥

各五兩

羊肉

三斤

通草

三兩產實用當歸

右四味以咀以水一斗六升煮肉取一斗

去肉內藥煮取六升去滓分五服日三夜

二

羊肉湯治產後中風久絕不產月水不利乍

赤乍白及男子虛勞冷盛方

羊肉片二成籜大蒜去皮切

香豉各三升

右三味以水一斗三升煮取五升去滓內

酥一升更煮取三升分温三服

葛根湯治產後中風口噤痙痲氣息迫急眩

冒困頓并產後諸疾方

葛根 生薑各六兩 獨活四兩

當歸三兩 甘草 桂心

茯苓

石膏

人參

白朮

芎藭

防風

各二兩

右十二味㕮咀以水一斗二升煮取三升

去滓分三服日三

防風酒治產後中風方

投六

十四

防風

獨活

各一斤

女萎

桂心

各二兩

茵芋

一斤

石斛

五兩

右六味㕮咀以酒二斗漬三宿初服一合

稍加至三四合日三

木防已膏治產後中風方

木防已半升

茵芋五兩

右二味呔咀以苦酒九升漬一宿猪膏四

升煎三上三下膏成炙手摩千遍瘥

治產後中柔風舉體疼痛自汗出者及餘百

疾方

獨活八兩

當歸四兩

右二味呔咀以酒八升煮取四升去滓分

四服日三夜一取微汗葛氏單用獨活小

者加桂心二兩不瘥更作

浴湯治產後中風流腫方

鹽五升 熬令赤

雞毛一把 燒作灰

右二味以水一石煮鹽作湯內雞毛灰著湯中適冷暖以浴大良又浴婦人陰冷腫痛凡風腫面欲裂破者以紫湯一服瘥神

效紫湯是炒黑豆作者

投六

十五

治產後中風頭面手臂通滿方

大豆三升以水六升煮取一升半去豆澄清更煎取一升內白朮八兩附子三兩獨活三兩生薑八兩添水一斗煎取五升內好酒五升合煎取五升去滓分

五服日三夜一間粥頻服三劑

茯神湯治產後忽苦心中衝悸或志意不定

恍恍惚惚言語錯謬心虛所致方

茯神四兩

人參

茯苓各三兩

芍藥

甘草

當歸

桂心各二兩

生薑八兩

大棗三十枚

右九味以水一斗煮取三升去滓分

三服日三夜一良

遠志湯治產後忽苦心中衝悸不定志意不

安言語錯誤惚惚憤憤情不自覺方

遠志

麥門冬

人參

甘草

當歸

桂心

各二兩

芍藥

一兩

茯苓

五兩

生薑

六兩

大棗

二十枚

右十味以水一斗煮取三升去滓分

三服日三服者分四服產後得此正是心

虛所致無當歸用芎藭若其人心胃逆氣

加半夏三兩

茯苓湯治產後暴苦心悸不定言語錯謬恍

恍惚心中憤憤此皆心虛所致方

茯苓兩五

甘草

芍藥

桂心

當歸各二兩

生薑兩六

麥門冬斤一

大棗三十枚

右八味㕮咀以水一斗煮取三升去滓分

三服日三無當歸可用芎藭若苦心志不

投六

十六

定加人參二兩亦可內遠志二兩若苦煩

悶短氣加生竹葉一升先以水一斗三升

煮竹葉取一斗內藥若有微風加獨活三

兩麻黃二兩桂心二兩用水一斗五升若

頸項苦急背膊強者加獨活葛根各三兩

麻黃桂心各二兩生薑八兩用水一斗半
安心湯治產後心衝悸不定恍惚不自
知覺言語錯誤虛煩短氣志意不定此是心
虛所致方

遠志

甘草各二兩

人參

茯神

當歸

芍藥各三兩

麥門冬升一

大棗三十枚

右八味以水一斗煮取三升去滓分
三服日三若苦虛煩短氣者加淡竹葉二
升水一斗二升煮竹葉取一斗內藥若胸

中少氣者亦甘草為三兩善

甘草圓治產後心虛不足虛悸心神不安吸
吸乏氣或若恍恍惚惚不自知覺者方

甘草

遠志

菖蒲

各三兩

人參

麥門冬

乾薑

投六

十七

茯苓

各二兩

澤瀉

桂心

各一兩

大棗

五十枚

右十味為末蜜丸如大豆酒服二十丸日

四五服夜再服不知稍加若無澤瀉以白

朮代之若胸中冷增乾薑

人參圓治產後大虛心悸志意不安不自覺恍惚恐畏夜不得眠虛煩少氣方

人參

甘草

茯苓

各三兩

麥門冬

菖蒲

澤瀉

薯蕷

乾薑 各二兩

桂心 一兩

大棗 五十枚

右十味為末以蜜棗膏和丸如梧子大食酒服二十九日三夜一不知稍增若自遠志內二兩為善若風氣內當歸獨活三兩

亦治男子虛損心悸

大遠志圓治產後心虛不足心下驚悸志意不安恍惚腹中拘急痛夜卧不安胸中吸吸少氣內補傷損益氣安定心神亦治虛損方

遠志

甘草

乾地黄

桂心

茯苓

麥門冬

人參

當歸

白朮

澤瀉

獨活

菖蒲

薯蕷

阿膠

乾薑

右十五味為末蜜和如大豆末食温酒服

各二兩

各四兩

各三兩

二十九日三不知稍增至五十九若大虛
身體冷少津液加鍾乳三兩為善

心腹痛第四方

蜀椒湯治產後心痛此大寒冷所為方

蜀椒合二

芍藥

當歸

投六

十六

半夏

甘草

桂心

人參

茯苓

蜜

生薑汁合五

各二兩

升一

右十味以水九升煮椒令沸然後內

諸藥煮取二升半去滓內薑汁及蜜煎取

三升一服五合漸加至六合禁勿冷食

大巖蜜湯治產後心痛方

乾地黄

當歸

獨活

甘草

芍藥

桂心

細辛

小草各二兩

吳茱萸升一

乾薑三兩

右十味呔咀以水九升煮取三升內蜜五

合重煮分三服日三

胡洽不用獨活桂心
小草千金翼不用蜜

乾地黄湯治產後兩脅滿痛兼除百病方

乾地黄

芍藥各三兩

當歸

蒲黃各二兩

生薑五兩

桂心六兩

甘草一兩

大棗二十枚

右八味呔咀以水一斗煮取二升半去滓

分服日三

芍藥湯治產後苦腹少痛方

芍藥六兩

桂心

生薑各三兩

甘草二兩

膠飴八兩

大棗十二枚

右六味呔咀以水七升煮取四升去滓內

膠飴令烊分三服日三

當歸湯治婦人寒疝虛勞不足若產後腹中

投六

十九

絞痛方

當歸

芍藥

各二兩子母
祕錄作甘草

生薑

五兩

羊肉

一斤

右四味以水八升煮羊肉熟取汁煎

藥得三升適寒溫服七合日三金匱要畧
胡洽不用

芍藥名小
羊肉湯

桃人為藥湯治產後腹中疾痛方

桃仁

半升

芍藥

芎藭

當歸

乾漆
桂心

甘草

各二兩

右七味以水八升煮取三升分三服
羊肉湯治產後及傷寒大虛上氣腹痛兼微
風方

肥羊肉

二斤無羊肉
用羴鹿肉代

茯苓

黃耆

乾薑各三兩

甘草

獨活

桂心

人參

各二兩

麥門冬

七合

生地黄

五兩

大棗

十二枚

右十一味以水二斗煮肉取一斗去

肉內藥煮取二升半分四服日三夜一針

翼無
乾薑

羊肉當歸湯治產後腹中心下切痛不能食
往來寒熱若中風乏氣力方

羊肉 斤三

當歸

黃芩

肘後用
黃耆

芍藥

防風

肘後用
人參

甘草

各二
兩

芍藥

三兩

生薑

四兩

按六

三十

右八味呔咀以水一斗二升先煮肉熟減

半內餘藥取三升去滓分三服日三

以胡洽
黃

者代黃芩白朮代芍藥名大羊肉湯子母
秘錄以桂心代防風加大棗十七枚良

羊肉杜仲湯治產後腰痛欬喘方

羊肉 斤四

杜仲

紫苑

當歸

桂心

白朮

兩各三

五味子

細辛

款冬花

人參

厚朴

芎藭

附子

萆薢

甘草

黃耆各二兩

生薑八兩

大棗三十枚

右十八味呖咀以水二斗半煮肉取汁一

斗五升去肉內藥煎取三升半去滓分五

服日三夜二

羊肉生地黃湯治產後三日腹痛補中益氣

強氣力消血方

羊肉斤三

生地黄切二升桂心

當歸

甘草

芎藭

人參各二兩

芍藥三兩

右八味咬咀以水二斗煮肉取一斗去肉

內藥煎取三升分四服日三夜一

投六

三

內補當歸建中湯治產後虛羸不足腹中疴

痛不止吸吸少氣或苦小腹拘急痛引腰背

不能飲食產後一月日得服四五劑為善令

人力壯方

當歸四兩

芍藥五兩

甘草二兩

生薑兩六

桂心兩三

大棗枚十八

右六味以水一斗煮取三升去滓分

三服一日令盡若大虛內飴糖六兩作湯

成內之於火上飴消若無生薑則以乾薑

三兩代之若其人去血過多崩傷內竭不

止加地黃六兩阿膠二兩合八種作湯或

去滓內阿膠若無當歸以芎藭代之

內補芎藭湯治婦人產後虛羸及崩傷過多

虛竭腹中絞痛方

芎藭

乾地黃

兩各

四

芍藥

兩五

桂心

二兩

甘草

乾薑

各三兩

大棗

四十枚

右七味㕮咀以水一斗二升煮取三升去

滓分三服日三不瘥復作至三劑若有寒

苦微下加附子三兩治婦人虛羸少氣傷

絕腹中拘急痛崩傷虛竭面目無色及唾

吐血甚良

大補中當歸湯治產後虛損不足腹中拘急

或溺血少腹苦痛或從高墮下犯內及金瘡

血多內傷男子亦宜服之方

當歸

續斷

桂心

芍藥

乾薑

麥門冬

兩四

吳茱萸

乾地黄

甘草

白芷

大棗

右十二味以酒一斗漬藥一宿明旦

投六

二十二

以水一斗合煮取五升去滓分五服日三

夜二有黃者入二兩益佳

桂心酒治產後疼痛及卒心腹痛方

桂心三兩以酒三升煮取二升去滓分

三服日三

生牛膝酒治產後腹中苦痛方

生牛膝根五兩以酒五升煮取二升分
二服若用乾牛膝根以酒漬之一宿然
後可煮

治產後腹中如弦常堅痛無聊賴方

當歸末二方寸匕內蜜一升煎之適寒

溫頓服

吳茱萸湯治婦人先有寒冷胃滿痛或心腹
刺痛或嘔吐食少或腫或寒或下痢氣息綿
憊欲絕產後益劇皆主之方

吳茱萸二兩 防風 桔梗

乾薑 甘草 細辛

當歸各十銖 乾地黄十八銖

右八味以水四升煮取一升半去滓分再服

蒲黃湯治產後餘疾胸中少氣腹痛頭疼餘血未盡除腹中脹滿欲死方

蒲黃 生地黄 生薑各五兩

芎藭 桂心各一兩 磁石二兩

桃仁二十枚 大棗十五枚

右八味呔咀以水九升煮取二升半去滓
內芒消分三服日三良驗

敗醬湯治產後疹痛引腰腹中如錐刀所刺
之方

敗醬

三兩

桂心

芎藭

各一兩半

投六

二十三

當歸

一兩

右四味呔咀以清酒二升水四升微火煮
取二升去滓適寒温服七合日三食前服

之

千金翼只用
敗醬一味

芎藭湯治產後腹痛方

芎藭

甘草 各二兩

蒲黃

女萎 各一兩半

芍藥

大黃 各三銖

當歸 十八兩

桂心

桃仁

黃耆 千金翼作黃芩 前胡 各一兩

生地黄 一升

右十二味 㕮咀 以水一斗 酒二升 合煮取

三升 去滓 分四服 日三夜一

獨活湯 治產後腹痛 引腰背拘急 痛方

獨活

當歸

桂心

芍藥

生薑 各三兩

甘草 二兩

大棗 二十枚

右七味呔咀以水八升煮取三升去滓分
三服服後相去如人行十里久再進
芍藥黃耆湯治產後心腹痛方

芍藥四兩

黃耆

白芷

桂心

生薑

人參

投六

二十四

芍藥

當歸

乾地黄

甘草各二兩

茯苓三兩

大棗十枚

右十二味呔咀以酒水各五升合煮取三

升去滓先食服一升日三千金翼無人參

茯苓為七味

治產後腹脹痛不可忍者方

煑黍粘根為飲一服即愈

治婦人心痛方

布裹鹽如彈丸燒作灰酒服愈

又方燒秤錘投酒中服亦佳

又方炒大豆投酒中服佳

系真人蒲急千金要方卷之四

共收

